

Director di Arubus

Cambionan pa Aruparking lo beneficia tur usuario y comercio



ORANJESTAD (AAN) – Arutram tin un areglo cu A.P.A, unda cu un tarifa ta wordo paga, y cu e entrada aki ta purba di cubri tur e gastonan di Arutram. Asina sr. Edwin (Eddy) Mohamed, director di Arubus, a menciona den entrevista cu DIARIO.

Pa loke ta trata Aruparking, Arubus ta trahando duro pa bin cu un maneho nobo y un bez cu esaki wordo introduci, e usuarionan tin cu bolbe paga pa staciona nan auto.

Aworaki e compania ta preparando tur e detayenan pa no tin ningun situacion mas cu por hiba Aruparking

politicamente dilanti. Lo bin cu un par cambio cu ta bay beneficia e comunidad y vooral e comercio.

Sr. Mohamed a duna di conoce cu el a sinta cu diverso grupo di comercio y nan tabata tin diferente keho. Mirando e hecho cu awor no ta obligatorio nan ta perdiendo benta mirando cu tur e parkeernan ta ocupa door di hende local, locual ta nan derecho, pero e turistanan cu kier yega mas cerca no ta logra, y nan ta acerca e grupo aki y bisa nan cu nan no por haya lugar pa staciona auto y nan ta bay.

E maneho nobo lo yuda

hopi di e comerciantenan cu lo tin parkeer pa e turistanan consumidor y esnan local, den cercania di e tiendanan.

Sr. Mohamed a subraya cu obviamente esaki lo bay den fase y ta cuminza cu concientiza e publico kico ta bay pasa y lo traha

videoclips pa muestra e comunidad unda y con por staciona auto y con pa haci e pago.

Arubus tin un caracter social, manera servicio na nos grandinan, y esaki lo wordo mantene asina.

Tambe e servicio ta wordo hopi uza y cierto dianan e

charters ta hopi halto cu no por acapara tur pa motibo cu no tin suficiente bus pero e compania kier sigui yuda den esaki pasobra Arubus ta di pueblo y tin cu sigui yuda comunidad y nos grandinan manera te aworaki.